

# الحرف جف

الحرف جف على لسانك  
وبير اسرارك هديته  
وبسكينك دبحت قلبك  
وفرقته في كل زاويه حطيته  
بتلومني ليه  
أما أسيب طريقك وأمشي  
وأما تناديني و ماسمعي  
لا ماتلومشي  
لوم نبضك إلى دقه وقف  
وأحاساسك الى بقى مافيش  
كنت صاحبك  
ومن نفسك اقربك  
بأيدك قتلت حبك  
وبقى  
الى يخصك ما يخصنيش  
وعيونك لمعتهم انطفت  
بدور فيهم ع الحياه  
مابلاقيش  
فماتلومنيش  
أسراري تخصصني

مايهمك مين يحبني  
سرى دفته جوايا  
وخبيت فيه دمعى  
وأسايه  
واى حكايه  
فقول لنفسك خلاص  
ماتسمعنيش  
بقيت عنى غريب  
وخریطه فكرك بقت  
ليه طلسم ماينفغنيش  
حتى الصداقه قتلتها  
فمتلومنيش  
وعلى فراقى ماتبكيش